

以正治國以奇用兵以無事取天下

正者法制禁令正其不正管商以正治國帝王以修身齊家  
爲本不恃法制禁令以爲正奇者權謀詭詐譎而不正孫吳  
以奇用兵帝王以弔民伐罪爲心不尚權謀詭詐以爲奇奇  
者僅可施於用兵不可以治國正者僅可施於治國不可以  
取天下無事者三皇無爲之治如天不言而四時行百物生  
不期人之服從而天下無不服從故唯無事者可以取天下  
也

吾何以知其然哉

設問辭以起下文之答正可以治國無事可以取天下者何

道藏輯要

道德真經註

卷

心集十

以知其如此哉而下文答之也

夫天下多忌諱而民彌貧民多利器國家滋昏人多技巧奇物  
滋起法令滋章盜賊多有

答上文言正僅可以治國忌諱謂畏避防禁嚴密本欲正民  
德也然民一舉手搖足輒陷罪戾有所畏避不得安生樂業  
而趨於貧矣利器利便於民之器如網罟耒耜杵臼舟車之  
屬本欲利民用也然利器民得自爲雖度量權衡之公亦將  
不出於上無所統一則國家黯無精采而疑爲昏矣技巧造  
作利器之工末業眾多爭能諱利則有售奇偽之物者矣法  
令者民所畏憚彰明易犯民不聊生則多爲盜賊之歸者矣

八句所言二事法令彰所以多忌諱技巧多所以多利器盜賊之有由於民貧奇物之起由國家之昏明庶政使民知畏避來百工使民足財用所謂正也正以正蓋期其國之治然民貧於下而或爲盜賊政昏於上而售奇物其效如此是以之治國而猶不足也

是以聖人云我無爲而民自化我好靜而民自正我無事而民自富我無欲而民自樸

又答上文無事可以取天下無爲好靜無欲皆無事也既無所事何心致天下之嚮附而民自然而化自然而正自然而富自然而樸其效如此是以之取天下而有餘也

道藏輯要

道德真經註

卷

心集十

其政悶悶其民漙漙其政察察其民缺缺禍兮福所倚福兮禍所伏孰知其極

承上兩節總言之悶悶不快人意漙漙不澆漓察察精明缺缺不滿足極終之所至無事者之政若悶悶無可喜然自化自正自富自樸其民迺漙漙然正者之政若察察有可觀然下貧上昏物僞人亂其民迺缺缺然故借禍福爲譬人以為禍者不知福倚於禍之旁譬悶悶之政而有漙漙之民也人以為福者不知禍伏於福之中譬察察之政而有缺缺之民也禍不終於禍而終於福福不終於福而終於禍孰能知其終之所至何如哉



其無正邪正復爲奇善復爲詖民之迷其日固已久矣

就正之一字設問復反也詖不善也以正治國可謂善矣而其民缺缺則治國者將無所用於正邪蓋正與不正對正一反則爲不正之奇正善而奇不善善不善對善一反則爲不善之詖惟無所謂正無所謂善而不至反爲奇之詖也能知此者其惟聖人乎常人迷昧不知此理其日固已久矣非自今日然也故但知以正治國之爲善而不知無所謂正之爲正也以無正爲正則與無事取天下者何以異哉是以聖人方而不割廉而不剝直而不肆光而不耀

又就無事二字設譬方如物之方四隅有稜廉如堂之廉一

道藏輯要

道德真經註

卷

心集十

面有稜其稜皆如刀刃之能傷害人故曰割曰剝割之害差重於剝人之方者無轉旋廉者無分辨其遇事觸物必有所傷害直者不能容隱縱肆其言以訐人之短光者不能韜晦炫耀其行以暴已之長聖人之無事者以不事爲事方者必割以不方爲方則不割廉者必剝以不廉爲廉則不剝直者必肆以不直爲直則不肆光者必耀以不光爲光則不耀方而不割廉而不剝直而不肆光而不耀皆無事之譬也○剝

古備切

右第四十九章

治人事天莫如嗇